

KENYATAAN MEDIA

SARAWAK-SABAH LINK ROAD – PENGHUBUNG BAHARU DUA NEGERI

Kementerian Kerja Raya (KKR) di bawah pimpinan Kerajaan Pakatan Harapan meneruskan usaha memperkasakan penyampaian perkhidmatan kepada rakyat melalui pelaksanaan Projek Sarawak-Sabah Link Road.

Projek ini merupakan pembinaan jajaran baharu yang menghubungkan Negeri Sarawak dan Sabah tanpa melalui Negara Brunei. Jajaran baharu ini dianggarkan sejauh 415 kilometer (km) dengan anggaran kos projek sebanyak RM5.35 bilion bermula dari Long Lama (Marudi) ke Lawas, di Sarawak dan berakhir di Sindumin, Sabah.

Jajaran ini bakal menyediakan akses jalan raya yang menghubungkan kawasan pedalaman Sarawak dari Ulu Baram di Miri ke Limbang dan Long Semado di Lawas seterusnya mempertingkatkan mobiliti penduduk dan hasil ekonomi serta pertumbuhan ekonomi setempat.

Projek Sarawak-Sabah Link Road ini akan dibina secara berperingkat bermula dengan pakej 1 yang melibatkan jajaran sepanjang 80km dari Lawas – Long Sukang – Long Lopeng hingga Kampung Pa' Berunut, Sarawak dengan anggaran kos projek sebanyak RM1.2 bilion.

Lawatan kerja pertama oleh pasukan KKR yang diketuai Menteri Kerja Raya, YB Tuan Baru Bian telah diadakan pada 3 hingga 6 Mac 2019 bertujuan meninjau dan melihat sendiri keadaan laluan di sepanjang jajaran terutama melibatkan laluan dari Long Lama ke Long Atip. Di samping itu, lawatan ini juga bertujuan melihat sendiri kesukaran penduduk tempatan untuk bergerak dari perkampungan ke pekan yang terdekat untuk menjalani kehidupan seharian.

Seterusnya, pada 13 hingga 15 Mei 2019, satu lawatan tapak telah diadakan oleh pasukan teknikal KKR dan JKR Malaysia dari Lawas ke Kg Pa' Berunut bagi menentukan skop untuk kerja-kerja awalan. Lanjutan itu, bagi tujuan tersebut, kerajaan melalui Kementerian Hal Ehwal Ekonomi (MEA) telah meluluskan peruntukan sebanyak RM5 juta.

Dikeluarkan oleh:

Unit Komunikasi Korporat | Kementerian Kerja Raya Malaysia

☎ : 03- 8000 8000 / D.L :03-2771 4616 / 4627 | 📠 : 03-2711 1101

Laman Web : www.kkr.gov.my |  Kementerian Kerja Raya |  @MOWorks |  Pro@kk.gov.my

Terbaharu, kerja-kerja ukur telah diiklankan pada 15 Mei 2019 dan akan ditutup pada 25 Jun 2019. Jajaran Sarawak-Sabah Link Road berpiawai R3 (standard JKR) ini dijangka akan dimulakan pada suku pertama tahun 2020 tertakluk kepada kelulusan proses perolehan Kerajaan.

Usaha-usaha awal ini merupakan komitmen Kerajaan dalam memastikan kemudahan infrastruktur jalan raya yang selesa dan selamat dapat disediakan kepada rakyat khususnya di pedalaman Sarawak. Walaupun Negara sedang berdepan dengan cabaran ekonomi yang kini dalam proses pemulihan, projek berimpak tinggi kepada rakyat seperti Sarawak-Sabah Link Road ini akan terus dilaksanakan demi merealisasikan harapan rakyat Malaysia di Sarawak dan Sabah.

27 MEI 2019

KEMENTERIAN KERJA RAYA

Dikeluarkan oleh:

Unit Komunikasi Korporat | Kementerian Kerja Raya Malaysia

☎ : 03- 8000 8000 / D.L :03-2771 4616 / 4627 | 📠 : 03-2711 1101

Laman Web : www.kkr.gov.my |  Kementerian Kerja Raya |  @MOWorks |  Pro@kk.gov.my